



## KERATAN AKHBAR

SURAT KHABAR	:	KOSMO			
TARIKH	:	15/1/2019	MUKA SURAT	:	7
JABATAN	:	KATS / PANDA / ZOO NEGARA			
KLASIFIKASI	:	<b>PERHATIAN</b>			

### KATS Kosmo 15/1/2019 m/s 17

## Anak panda sambut hari jadi pertama

**KUALA LUMPUR** - Keletah anak kedua pasangan panda gergasi Xing Xing dan Liang Liang dari China menyambut ulang tahun pertamanya semalam yang bermain kek ais dan buluh nyata mencuit hati pengunjung di Pusat Konservasi Panda Gergasi (GPCC), Zoo Negara di sini semalam.

Anak panda betina yang dikenali sebagai 'Adik' itu juga telah mencapai berat 34 kilogram juga dapat menyesuaikan diri dengan keadaan sekeliling dengan baik.

Pengarah Zoologi, Hospital Veterinar dan GPCC, Dr. Mat Naim Ramli berkata, tumbesaran Adik berada pada tahap terbaik dan masih menyusu dengan ibunya sepenuhnya walaupun sesekali memakan buluh yang disediakan.

"Sikapnya agak manja dan jika dibandingkan dengan kakaknya, Nuan Nuan, Adik tidak sebegitu aktif dan kurang meneroka kawasan sekitar. Dia lebih gemar bersantai di atas



**ANAK** panda yang dikenali sebagai Adik (kiri) bermain bersama ibunya, Liang Liang ketika menyambut ulang tahun yang pertama di Zoo Negara, Kuala Lumpur semalam.

pokok buatan dan mengekori ibunya," katanya kepada pemberita pada sambutan ulang tahun pertama kelahiran 'Adik' di sini semalam.

Disoal mengenai nama rasmi Adik, Mat Naim menjelaskan pihaknya masih menunggu

keputusan daripada kerajaan.

Pada 21 Mei 2014, Malaysia menerima sepasang panda gergasi Xing Xing dan Liang Liang daripada kerajaan China sebagai meraikan ulang tahun ke-40 hubungan diplomatik antara kedua-dua negara. - Bernama